

Naalakkersuisut Siulittaasuat
Formand for Naalakkersuisut

Inatsisartunut ilaasortaq Doris Jakobsen
/Maani

§ 36, imm. 1 naapertorlugu Inatsisartunut ilaasortap Doris Jakobsenip
apeqqutaanut nr. 2009-56-imut akissuteqarneq.

Inatsisartunut ilaasortaq Doris Jakobsen, Siumut, ulloq 31. juli 2009-mi Inatsisartut
suleriaasianni § 36, imm. 1 naapertorlugu Naalakkersuisunut marlunnik
apeqquteqarpoq matumuuna akissuteqarfigineqartunik.

Apeqqu 1)

**Naalakkersuisut isumaqarpat Kalaallit demokratimik
tunnngaveqarlutik inuiaqatigiittut atugartuujummata ikiaroorartoq
kikkunniluunnit atugaangaluarpat iliuuseqartoqassanngitsoq?**

Apeqqu 1)-imut akissut

Inatsisartunut ilaasortap Doris Jakobsenip Naalakkersuisut apeqqu nr. 2009-50-
imut siusinnerusukkut akissutaannik nassuiaanera tunnngavissaqarunangilaq.
Ataatsimut isigalugu Naalakkersuisut akissutaat 28. juli 2009-meersoq
innersuussutigineqarpoq.

Soorunalimi Inatsisartut Naalakkersuisullu inuit qinigaasa Naalakkersuisullu
akornanni ikiaroorartumik atuisoqarsinnaanera susassaraat.

Isumaqartoqassappat ajornartorsiutiviusunik pinaveersaartitsinermut
ikiorsiinissamulluunniit nutaanik inatsisiliortoqartariaqartoq allanilluunniit
iliuuseqartoqartariaqartoq, soorunalimi Inatsisartut taamatullu Naalakkersuisut
pisinnaatitaaffimmik iluanni arlaatigut iliuuseqartariaqarput. Pisinnaatitaaffinnut
taamaattunut taamaattoq ilaangillat politiit paasiniaanerannik aallartitsisarneq,
unnerluutiginnittarneq eqqartuussisarnelunniit, pisinnaatitaaffiimmi tamakku
ilisimaneqartutut Kalaallit Nunaanni eqqartuussiveqarluni inuiaqatigiinni
oqartussaasunut allanut suliassarititaammata.

Naalakkersuisut isumaqarput ikiaroorartut pillugit inatsisitigut tamakkununga
tunnngasut siunertamut naapertuuttumik naammattumillu malittarisassaqtitaasut,
Naalakkersuisullu upperaata oqartussaasut inatsisit tamakku malinneqarnissaannik
nakkutilliisut suliassatik toqqissisimanerluinnartumik suliarisarmatigit.

19. august 2009
Sags nr.
2009-019756
Dok.nr. 218456

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@gh.gl

Ilisimaneqareersutut Inatsisartut qinigaasinnaanerup misilinneqarnissaanut ataatsimiititaliaata nakkutiguaannarpaa ilaasortat tamanna pillugu malittarisassat atuuttut malillugit Inatsisartunut taamatullu Naalackersuisunut ilaasortaassallutik naleqquttuunersut. Ataatsimiititaliap arlaatigut pisoqartillugu Inatsisartunut inassutigisarpaa qinigaasinnaanermik annaasaqartoqarsinnaanera pillugu apeqqummut aalajangeeqqullugit. Taamatut aaqqiisoqarsimanera siunertamut naleqquttutut naammattutullu isigineqarpoq.

Naalackersuisut isumaqarput oqartussaasut inatsisit malinneqarnerannik nakkutilliisut oqartussaaqataanikkut aalajangersarlugit pisinnaatitaaffimminnik toqqissisimanartumik ingerlatsisut. Taamaallutik Naalackersuisut Inatsisartunut Naalackersuisunulluunniit ilaasortanut immikkut sillimmartaarutissanik inatsisinut atuutereersunut ilanngussassanik pilersaaruteqanngillat.

Apeqquut 2)

Aamma Naalackersuisut ilumut isumaqarpat qinikkat aammalu Naalackersuisut ikiaroorntumik atuisuuppata Inatsisartut Naalackersuisullu susassarinnikkaat?

Apeqquut 2)-mut akissut

Apeqqutigineqartumut tassungattaq tunngatillugu oqaatigineqartariaqarpoq siusinnerusukkut apeqqummut nr. 2009-50-imut akissummi apeqquteqartup oqaatigisai tunngavissaqanngitsut.

Siusinnerusukkut akissutigineqartuni taaneqareersutut Inatsisartunut Naalackersuisunullu ilaasortat – inuttut allatuulli – inatsisinik malinnittussaataapput. Taamatut tunngavissaqartitaaneq Kalaallit Nunaanni tamat oqartussaaqataaneranni eqqartuussiveqarluni inuiaqatigiinni siuarsimasuni tunngavissat ilagiinnarpaat.

Ikiaroorntumik atuiupilunnerup kingunerisaanik peqqinnissamut inuuniarnermullu pitsaanngitsumik sunniutaasartut pillugit innuttaasut paasissutissinneqarnissaat pingaaruteqarpoq. Taamatuttaaq soorunalimi pingaaruteqarpoq inuiaqatigiit atuipilluttut atuiupilunnerminnit qaangeerusuttut katsorsartinnissaannut periarfissaqartitsinissaat. Tamakkununga tunngasuni suliniutissanut pisariaqartitsineq Naalackersuisunit ingerlaavartumik nalilersuiffigineqartuarpoq.

Inussiarnersumik inuulluaqqusilluta
Med venlig hilsen

Kuupik Kleist